

太乙舟詩集

太乙舟詩集卷三

新城陳石土甫著

三男蘭第
從姪孫夢校刊

西水園卽事呈三五叔父并留別羣從兄弟

金釭玉炬明華屋勝賞還兼絲竹肉侍坐難爲出岫心銜
杯忍聽歌驪曲碧波蓮葉尙田田園林暮景含秋烟溪山
如此作遠別簪紱肯受時人憐力耕漫倚耰犁手婦不停
機練素有寒女曾驚午夜蚕情農亦介春堂酒平生知己
得家庭封胡羯末殊恩榮銅盤分食嘗叨賜女樂垂簾每
獨聽大人昨歲還鄉日綵衣開宴隆初秣雲影三更艷絳
霞深情百歲組朱瑟故鄉盛舉慶同歡書到長安喜共觀

何當犀角豐盈日祖帳重教接夜闌
統如街鼓聲初動紅
墀瑜影搖銀汞酒半論文意更真
媿邀季叔期曾輩家庭
真樂樂有餘去住兩心何所如書紳
自誌當筵訓從宦甯
教鄉夢疎人生心跡難渝素鷗盟
不遣荷衣誤他日歸來
介壽時願補南陔采蘭句

寄朗亭二兄寧州

弟兄相隔三千里別期屈指逾四年
雲山滿眼阻携手往
往夢落珊瑚川昨拜綵勝忽得報
狂喜欲共春風顛書來
立春
前急呼來使詢瑣細額手知兄安
食眠山城斗太百事
靜行綬所苦囊無錢吾曹簪紱隨前
緣爲貧而休錮殊焉

家落不及中人產曩時尚有二頃田人事乖迕百計左舊
夢廿載隨雲烟區區養志心力在自省安得免尤愆邠俗
自昔多喬僊荒荒睥睨山懸山童水淺見前詠梁穀不
識民食艱側聞官厨有脫粟食不兼味無肥鮮門子視膳
仗家督知兄舉箸心遙率以儉養廉兄所便我乃聞之心
悵然私情公義兩相逼安得吹我墮兄前一杯屬君作鯨
吸知兄肥瘦離懷捐雖然公義最當重願兄苦節終能堅
范史塵甑有古諺努力循蹟師前賢我翁聞此意亦適菽
水之奉心無悞我懷萬端詩不妍握筆彌覺情難宣知兄
讀詩勞北望有夢總到觚稜邊

大乙詩集 卷三
憶昔篇寄集正

戚戚復戚戚搦管吟憶昔義馭不返魯陽戈人生那得好
顏色木以秋而凋草以春而生草木于世無欣戚乘時各
自爲枯榮人非金與石那能對此長忘情憶昔讀書時共
倚短檠燈偶然把筆作嘲諷時復遇事爲勸懲一家惟汝
共肝膈筮易不占西南朋憶昔行樂處雅懷守儒素豪情
不賭紫香囊清賞惟吟芳草句堂前梧桐百尺長離離月
影延疎光風晨暑夕一徙倚快意似欲乘雲翔一笑世土
苦局促避寂就喧反復多周防豈如吾輩樂山水萬事不
理作達爲清狂憶昔復憶昔忽生老大悲連年鄉舉不得

意苦被世人相嘲譏誓欲舍此去東窮滄海西峨眉讀死
委書與若士期咀嚼霞光餐肉芝翩然崔駰相娛嬉天上
仙人雖復足官府定不厭我爲書痴君如雲外長相思但
訪赤城欸玉扉吾將與子躡足追希夷

往歲寄希曾詩有云老儒不作食字仙才人忽化踰
淮橋士非苦窳卽要駕誰約規矩就繩律云云因
未成篇故未及錄寄頃得希曾書招往都門共學
感今憶昔因續成長句一首却寄

十年夢退生花筆萬卷兀坐虛白室回頭往事驚湍波三
百六十跳丸疾憶當弱冠事咕畢我生戊子君丙戌年齒

肩差鴈翅斜學齋戶接蜂房密夕諷同敲午夜霜朝吟共

擁南榮日飛霞珮好乞君看雌霓詞成邀我讀叶兩心相

倚蜃負蛩旁人錯看鴻比乙嗟我失恃君失怙蒼涼舊夢

難再述可憐都當兩小時痴索梨棗寧知恤長大誦詩至

蓼莪各灑血淚掩細帙風樹空悲唧索魚青衫難作名經

佛無何君着祖生鞭先向天街騰鬻鄰一朶宮花艷彩霞

七品水銜領仙秩海底珊瑚鉄網收更復連年携玉節比

聞僦廡得迎養五十萱堂初白髮焚黃已慰九原心稱觴

更舉堆床笏集正兄教翼同官京師一家似汝奏塤篪前賢何必譏

早達昨者作書勸我行似憐塵坱圉癡叔叶教將水沃三

年面鍊就鶴飛十洲骨開槭乍讀色先喜感舊興懷心
鬱平生自恃雲夢胸速化嘗嗤科舉術心兵忽忽因文
遊踪泛泛適吳越邴原書得孫崧授習之滕爲昌黎屈
中求友賦伐木細勘人情驗得失老儒枉作食字仙才
人或化踰淮橘土非苦窳卽更駕誰約規矩就繩律借鑑
彌知自處難學道豈期俗情悅去年罷舉洪都試買車
徑踏陳州雪官閑趨庭子舍安南衙讀書齋寢吉苦因
人事日紛紜未免蹉跎感歲月得君伏案相砥礪強懷可
張弱念奪新知共訂夜連床舊學同商手折聖清談時
許阿咸誇解圍或向邱嫂乞東華寓舍我未到清景時
時聽人說窗

間虛藹納晴光檐外濃陰落林樾此中延佇得佳賞坐忘
正可名言絕來年定當成約踐束裝不待取牋輒新詩題
罷夢尋君梅花正對南窗發

行至保定先寄從姪希祖京師

吾家宗子頗勤學往往能作深沉思法曹偶入署紙尾退
直一卷常獨持十年同學五年別兩地相思情並切來朝
剪燭一論文定有新知向我說

和集正教習庶吉士紀

思之作卽送其典試江

南

曾祖晚歲始通籍得第歲亦紀戊辰甲子一周拜

新

命汝今乃作江南行教士芸館譽謫樽乘輶江國名輪囷
君恩三接馬錫畫舊德四衍花開春崇墉報已收刈
獲封殖計毋忘本根吾家家法近稍替規矩往往踰先民
汝才汝望衆所服宜以一手援千鈞汝顏齋額曰樸谷此
意去俗已兩塵以樸抹巧謝雕飾以谷納善芟荆榛取人
取文理一貫爲家爲國咸斯遵汝位已高責頗重我言
無文情則真汝往江南謁老輩持此可質姚公門歸朝爲
我匡不逮我當爲汝開清樽

松如姪歸詩以送之

習不可有紕袴氣才不必羨縱橫家以汝聰明泛學海不

自崖返誰要遮廿載胡爲困鄉里鬚鬚已綠坡斜四輕
四重審所擇謗言謗好安可誇汝兄學力似翁子登第今
看長安花汝能堅忍似百一吐氣詎不凌青霞汝來從我
似有意愧我未與窮巔涯得糲救貧聊爾爾不去貧賤何
人耶汝今歸矣取吾說閉戶萬卷勤搜爬他日相見別具
食庶使銅盤爲汝加

家竹香觀管奉 旨省親予與之同行途中呈長句

一首

手奉省親

詔身披戲綵衣

聖天子恩乃如此三

千里許河臣歸河臣者誰吾元方識力所到河伯降築堤

如山人

御覽漢功不復誇宣房朔風十日長安道

騎飄飄出城堡人詡私情得請難我知獨對承

恩早

憶當昨歲嚴寒初君來訪我承明廬爲言宣室從容問特
念臣工定省疎起家何必誇門地似此思榮真曠世

一載酬功賜漢貂千山啣

命紆征轡江鄉我亦賦陔

蘭爲約歸途共整鞍候邊風雨聯床聽馬首雲山並騎看
談深懷抱知全惜吏事因君獲少益漫矜五馬得超遷誰
知三異多殊績吾儕挾冊歌唐虞軼事常思珥筆書襄帷
喜識張京兆腰笏先歌何易于從來濟世需英彥崛起吾
宗能自見廿載寧嫌見面遲萬家早已歌功遍我翁若翁

俱高年我翁視君如子然請書車騎還鄉事當諧笙歌戒
養篇

題月竹橫幅送家竹香兄南河之行

一輪明月搖空綠家園各有千竿竹鄉夢時時見此君如
此弟兄差不俗屋頭雲繞棲靈山樓前水漾司空灘寒玉
弄影入蕙帳何意得之圖畫間弟直承明今幾載乞郡初
階思服豸乞郡何爲爲迎養庶幾蘭膳菹佐簋兄官畿輔
今江南菱槳法與塢流參努力宣防報 天子我翁知
兄才則堪我翁與兄相聚久弟到京華方握手五六年間
幾合離無夢不曾共杯酒字石字竹同一清官達肯負初

心盟偶然得畫聊誌別晚節交期保令名

自題南昌舊園圖

蘇齋夫子初持節乾隆己卯來西江鹿鳴宴罷宴試院選
勝且命廻旌幢西山嵐翠入仙抱肩興未服從幽討吾家
有園在城東照水芙蓉萬枝好主人遊宦遊京師家中羣
從纔勝衣花前問字無弟子但覺草木生光輝經籍著錄
蘇齋盛后山晚出就詩境

蘇齋齋額名

談藝因吟典屋詩

先生因問

用光典屋詩話及此園

鴻泥與話尋秋興軟紅塵土隔前緣朋試盱

江夢亦遷弟子只記橐筆事先生却賦看花篇石筍森森
立寒玉花陰畧約沿溪曲倚亭隸榜憶鈎銀照容斜陽如

挂木烟蘿卅載閣心頭使節重來訪舊遊折枝莫記花堪
扣馮月空知瓦欲流使院論文歲又改香瓣重拈過廿載
從欣題畫借丹邱自愧能書非阿買談經說史肯懷居轉
徙只憶先人廬誰知履道坊中客昔尚未生今白鬚此園
離家四百里遺趾雖存園已毀我翁有園黎水旁亦恐亭
臺就傾圯當時同學勤經畬二魯才調皆璫璣谷園岑苔
感昔夢昨來淚洒傳經圖余中表魯純之習之兩君與余
同學皆蘇齋弟子谷園傳經圖
夫子所作也家庭今昔關心處重以師門受章句肯負韓公植

石詩不作謝家庭下樹瞻園伯子書來遲昨與仲容同
詩賤子不逮事世父述德惟深葛藟思

補藤篇

余寓舍前軒曩存朱藤二株家大人所手植也今并架亦非舊時物其藤固不知自何年萎去矣余將買種補植之非獨謀夏日之蔭且以見事必由舊之意云爾與諸君子作消寒會拈此題得七古一首索同志之和焉

我翁買宅官春明擴而大之殊經營萬間廣廈夙所志作記曾與鄉人盟前軒兩藤是手植翠蔓清陰留坐客絡月篩雲舊夢存有人指點陳遵宅我到東華跡已蕪不獨藤荒架亦無閱人空作攀條感玩世誰翻種樹書雪影沉沉

動虛白炙酒邀賓話疇昔預作來年過夏謀買種春前計
應得朱花映日清且香擎空虬幹隨架長拔地能高根必
固譬之偃僂銘循牆人生一念成今古東晉南陔詩可補
土食舊德不如工肯偁高曾廢規矩守不假器霍在陰我
歌且謠情自深諸君記取樽前語葛藟苔岑共此心

窗外潔盈尺之地依砌種玉簪兩小本前列盆花數
種坐對其間意陶然也得長句一首

人多屋少如鷄栖室無空虛時勃谿朝來一悟攘六鑿隙
地糞掃驅小奚綴紅搖碧忽蒲眼如蒲風葉低蕭哇喬柯
蔽日暑不到亞枝却許水蟾窺花前我與兒童嬉我懷亦

復如嬰兒乃知夢幻泡影偶然耳任在入世隨所宜余皇
舡艫兩莫辨太乙舟顏仍舊題不爲境累能自適此樂急
報吾親知

大人官京師寓齋顏曰太乙舟卽用光今居室也

自題桐陰草堂圖

夢招石竹山房月來照桐陰草堂圖此圖寫景非故宅乃
得燕臺新買之敝廬敝廬實自癸酉冬時方僦屋愁西東主人

謂子曷買此一畝且築儒生宮先人八吉祥可供蓮臺佛

幢幡花冠與魚腸

入吉祥中各器名

嵌玉鑲珠眩丹碧嫡兄庶弟

以付我云此何啻千金值汝往燕臺弼諸市以謀祭產計
良得我肩此任來燕臺守不假器心徘徊挈瓶之智急則

變以有易無生悲哀祭庭雖未具儼屋可無愁他年賣屋
買歸舟無田不祭知免羞圖中寫石虛景耳山房佳石今
餘幾彈蕉未罄此君心倚竹空能歌有斐庭前新植桐半
歲纔登牆山房美蔭蔭過屋我憶兒時居草堂兒時樂事
每易忘誦經讀史聲琅琅金門索米忽舍此風樹之痛纏
中腸當年積負如何償先君曾議售山房失計未遂良可
傷今聞頽瓦支欹廊我空有夢迴故鄉今年索我題所藏
仲容携來漁洋之山莊去年舊園題南昌世父舊業悲荒
涼名位豈必齊漁洋但守舊德足以臧董太史言尤可喜
勸余尺宅勤料理

董小拙題南昌舊園詩極佳

季冬之望月舒空回心

內照心如水作歌聊此記所履圖者華吉厓題者陳石士
草堂此日仍舊名畫圖他年成故紙四十七歲心如此知
吾心者佳弟子

自題瘦石圖

有引

余行十四故叶音字曰石士其曰碩士者先舅氏
所以相勗也祇類珉賤敢云玉韞渾璞爲期素心
斯在昨以此意索人寫照嫌其未合旋棄去之午
窻無事偶玩船山太史所贈畫扇石一拳梅數枝
而已忽悟曰此其我相也卽石卽我是何啻無人
我相焉亟裝爲一軸而題之曰瘦石圖觀石士者

觀此石焉可爾因自題長句一首並乞太史題之
我非燕領非鳶肩畫史紛紛神莫傳眼底忽墮石一拳疑
璞疑玉形塊然玩之浹月廢食眠一旦悟罷喜欲顛此乃
吾與吾周旋其質雖頑性則堅與我字協義益全倘使恒
幹可棄捐貼身入紙爲延緣漠漠者古悠悠天氣核一結
千千年隨風隨露隨雲烟星辰日月相新鮮其樂何啻逾
彭籛胡爲六識相糾纏如馬首絡牛鼻穿匠石日日施雕
鐫造次不得迴星躔支機誰復詢張騫偶然靜坐呼怨先
把扇熟視涕欲漣有梅數枝芳且妍霜葩雪骨相鉤連石
但癡立花笑嫣花氣石氣清無邊急裝古錦標纖箋拜君

嘉惠梅花前君餘事亦筆如椽詩法畫法交相宣遣興數
語吾拳拳倘能更惠詩一篇譬生公法感幽元豈獨頑石
知叅禪定有花雨飄經筵他時繪事吾能研趙昌顧愷思
兼焉定當爲圖華頂蓮坐君玉井十丈船

橘林秋棹圖

趵背青山向人綠柁樓晚飯炊初熟自倚吳兒饒作腸漫
誇越女顏如玉金丸簇簇映江波兩岼人家橘樹多王孫
解作秋懷句旅客空吟勞者歌當年兄從西泠棹弟居家
塾年猶少牢之無忌雨無猜季連康樂原同調鄉園有句
紀相思夢草池塘恰下帷打包不解行脚苦正是吾家全

盛時廿載年華如轉轂西州復有羊曇哭弟亦嚴灘續雋
遊書紳自戒踰淮水書生養志非科名一官偶得慚躬耕
荷衣蕙帶不家食盟鷗狎鷺餘深情勞勞行役今未已兄
識弟懷同負米馨膳能舒憶子心鼎養由來慚菽水一江
秋水辭鄉關六橋有約綠終慳懷橘漫爲吳客詠買舟却
看皖公山

予初將由浙北行
今改而買舟適皖

蓼莪讀課圖

萬卷圍身足書史況對明窓與淨几兒今玉立昔稚齒八
年課讀苦復辛大父阿母心如此我與若翁生齊年若翁
呼我爲阿連若翁賁志忽化去九原望汝兄弟賢幼孤自

昔多人傑兒以成名報母節況汝重堂訓勉勤紙墨熒熒
皆淚血名汝效曾與述曾意在舊德能肩承吾家祖武不
易繼宋儒力行宜服膺蓼生莪生爲汝字美質能成斯足
貴莫忘春暉寸草心菜根咬得何人事吾家家法有古風
頗似西京萬石公舉策數馬稍簡易放達尙無阮仲容勤
以守已和睦族葛藟庇根莪斯蓼他日承家責匪輕此時
勵學功須熟我今披圖神暗傷廿年舊夢誰能忘況今季
叔髮垂素望汝庭前玉樹行早晚儲材作棟梁

竹醉前三日紀事爲蓮舫作卽贈徐葑生庶常

琵琶者誰雙瞽目召取筵前奏新曲一聲曼唱啼嬌鶯繁

絃促拍酣春情聽從隔坐合心死轉喉誰信非車子主人
妙旨託詼諧柔情不倚左風懷三摩悟以聞愚入如此驪
歌真雅集正聲正色天下無入世難作枯禪枯譎諫逢場
且遊戲徵歌不用吞針試子野當年喚奈何我懷棖觸何
其多

裂紅拂像示大兒蘭瑞

昌黎讀書辨正僞非聖之書不敢觀譎言敗俗慎所擇述
邪蹈正事則難唐朝文士喜無行鑿空綺語來無端勲臣
世閥積讐怨往往閨閣遭抵調君子內言不出柵得從何
處工欺謾楊素竊位恣聲色尸居餘氣昏而頑妻妾棄之

嫚罵耳聊借此筆誅權奸此較他傳意差勝諷一勸百鯨
終儼豈有衛公經國手迺肯詐結兒女歡後生輕薄妄祖
述遂誇韻事生波瀾作俑罪墮泥犁獄若論佛法難從寬
汝曹小年動必正要知大德無踰閑好行小慧言不義身
名他日安能完無邪之旨蔽三百聖言萬古垂不刊若欲
作詩法後世但師李杜無餘患元白溫李等自檜其人可
鄙文空嫺裂像作詩豈苛責爲汝立脚愁未堅先入之言
倘爲主沿流他日寧知還汝能別裁守吾語挿架萬卷從
汝看

寄懷魯補愚舅兄

寒燈墮蕊硯欲冰淡月照階風不停此時作書寄遠客字
讀易盡心難平白門殘雪落枯柳江流定滅寒濤聲昔遊
握手是何處夢中再往吾猶能兩世情好託親串十年氣
誼如弟兄人生聚散那可必要當各愛千秋名君昔豪宕
有奇氣結一好友千金輕以此蹉跎成末吏卽今數口餓
腸鳴但能守此勿復悔不妨邂逅雲霄登

送魯延之表弟南歸

昔吾舅氏崇樸學趨庭有誨無異聞鉅德委化忽十載季
子葛帔還練褰出而謀食苦質訥便給不足諧同群我仕
頗受知見熏媿不能張舅氏軍見子困遊亦歎詫援手底

救空囊貧人生家法要無替富貴貧賤安足論天人戰勝
師以律性地自援誰策勲子但守已勿循俗道無所得吾
道存果能刻勵造完好如璞就琢泥在鈞豈獨夸毗去子
遠我亦硯學君苗焚秋風吹葉葉墮紛黃沙萎地車塵昏
留子無益別在即憶舅氏誨徒沾巾惜哉君兄不可作若
聞吾語同酸辛

寄懷東渤妹壻

讀書齋舍中君童我初冠美如冠玉好兒郎臣叔快壻眼
中見昨者朋試趨瑣闥君年已長我遠歸握手朱顏發春
榮開卷妙墨搖晴暉此才難得得之喜况君暱我情無睽

秋林葉脫秋風高旗亭把酒持雙螯連年鄉舉被擯斥失意耻作寒蟲號拚將痛飲歌離騷君家嚴君古循吏十載羊城勤撫字平生隱德似耳鳴老去讀書多筆記我翁一麾來陳州賤子辭君今洛遊采蘭敢補東哲句散帙喜得南街幽天衢掙風吹雪落亂洒瓊英濕簾幕鄉夢初回午夜衾冬心久負梅花約苦言避俗工鐫劂筆囚硯獄何能堪堂上衰親各自白髮鏡中年少俱青衫從來學力道可致居前萬物令人輕他年騎馬回京華期汝同採鴻寶秘

喜晤子受妹婿卽以贈別

辭此華國才公子傷哉貧俛爲門戶計成以枝官身枝官

聲名動蜀中邊屯報績旋從戎人言才氣如終賈自喜官
階似放翁十七年別重握手何堪往事一回首封胡羯末
幾黃墟爲余淚墮杯中酒我幸再入承明廬君已擢亞銅
虎符鄒枚豈得勝韓范重內輕外胡爲乎蜀山氣候雜寒
暑老蟾飛電日亭午不獨身爲瞻對行猶有虎兒能縛虜
礪梁烽火掩復明將軍凱還影花翎頗聞期門仗飛輩早
於孺子心爲傾有勞不伐真男子知汝襟期似止水弱鳥
投羅非縱鱗忍更援弓爲色喜話來踪跡雜悲歡莫歎鮎
魚上竹竿君家故物原牙檠努力雲霄作鳳鸞

爲履祥壻題尊甫駿耕親家掃葉題詩遺照

白雲照紅葉秋色明遙岑傷哉題詩客鴻爪何處尋人生
石火光難駐邗上園林那得住雙旌五馬向中州我憶春
明別君處儒雅襟期課子懷悠悠此志赴泉臺父書能讀
家斯大葛帔無妨肯構材

喜蘭雪親家病愈作長句一首奉慰題其五疊永訣
詩後

天公愛蘭雪乃使有此病化其偏宕情鍊以危苦性人生
何處無險途履險如夷夢覺初堯率宮與羅剎國尻輪神
馬爭所趨碧翁待人固平等卽心卽境分俄頃大任隨人
各自肩雖不能詩天亦肯何況君有瓊琚詞讀君新句吾

軒眉此與昔時傷鼻作皆有陽明証往思君自言素在

君母忘蹟埵吾亦警夜起撥燈花虛室兀孤影玉鞍珠勒

誰揚鞭風利不泊誰刺船尋常寢饋發深悟引伸觸類心

有權噫吁嘻引伸觸類心有權無邪一語可蔽三百篇

蓮花博士歌

放翁昔入鑑湖夢蘭雪新注博士官平生嗜茶不嗜酒快

意一吸千甌乾哦詩去就故人約梧門學士招致齋中尋花夜踏澄

湖寬

贈譚琴岩元用隨園先生病中謝一瓢韻

長安城中綬若若琴岩瘦骨如仙霍洗眼應曾飲上池得

官聊且吟紅藥風神翛翛復舉舉揮塵而譚墮花雨彩筆

聲華過使星大華峰高迎玉女

謂曾興試素幙

閑將舊事問韓康

知汝曾遊掃葉莊都講十年有心得用藥一洗時人荒昨

秋驥子嬰沈灾

兒子蘭瑞病劇服君藥而愈

飯顆有句懷難開紅塵十

丈踏棕鞋捉君一日一度來衆醫掉頭病忽起從此刀圭

服君矣禁方小試說傳衣憐君夢繞橫塘水剪燭連霄作

才語人世因緣悟來去詩成回首憶倉山去年鴻爪重尋

處

喜晤譚琴岩親家聞其卹劉氏女事喜而有作

菊花開蒲籬喜聞故人到兩年離緒一杯中軼事聽君細

相告劉家兩女年及笄可憐都是官人兒父死兄貧人六
口食惟炊餅衣破衣何來燒城騰赤舌兩朶蘭花萬重雪
鴛牒雖辭駟僉金鸞釵仍按箜篌節使君聞之心鬱紆攘
臂急起相持扶官人女作官人妾我輩面目人抑掄上告
中丞下太守難得三賢並時有擇壻爭輸贈嫁貲養花一
洗旁嘲口重君高義爲君歌聞善則喜情則那更期決獄
平冤手推與吾鄉種德多

冬夜讀書感懷用蘇詩韻

讀書誰餉熊丸苦幼居門塾長齋廡終歲常依舅作師十
年失記兒無母庭空月挂枯桐枝村寒霜隔嚴城鼓詩書

高詠感神鬼，壘壁定力禁。風雨先生故，守胡瑗法。時人或
致邊鄙侮，敢將野鴛厭。家雞記取傳，衣自我祖。舅氏山木先生乃吾

祖疑齋公門人

除夕祭詩

昌黎作詩乃餘事，盧殷萬卷資爲詩。平生頗守退之法，登
封縣尉非吾師。祭以除夕始賈島，我亦沿例相娛嬉。飢盤
脯果雜秬粃，一編陳處春風吹。沈沈夜氣明華燭，散帙深
宵幽事足。牕間樹影高出簷，雲外星光低映屋。寸田尺宅
藏吾身，形神相倚爲主賓。一點俗塵不染處，虛臺自覺高
嶙峋。前年陳州歌雪車，團圞觥爵歡南衙。今年雖勝去年

客高堂馨膳還思家我不能飲劉伶酒亦不能飲盧仝茶
昔賢結習我都欠豪況絕少時人誇但願善本之書列滿
架座後復擁萬朵千枝花儵然居處絕塵鞅高吟李杜思
無邪今日詩魂樂復樂以我祭我神歆若萬卷之中一卷
著如入唐宋諸賢幕春生一枝青鏤管香參百葉緇桃萼
此心但與證初地人世由來信行脚明年此日慶南陔采
蘭更有還山作

立春日作

平生慕學心頗篤散帙惟思攻節目只知師訓誦終身詎
要浮名夸世俗悠悠婚宦負初心多好無成遂至今弱臂

挽强寧透札礦沙入冶未成金蔬果中庭侑杯酒迎春故
事由來久爆竹聲中感歲華來歲龍鍾三十九恒言稱老
古所訶吾親白髮向來多遊子養志先謹疾予時抱病初愈書生
勵學毋蹉跎朝誦昌黎暮太白經史盈窓還布席共此寥
寥一片心感春倘到騎鯨客清晨沐浴命具湯白芷桃皮
青木香齋心從此作利市日日偕兒上學堂

記夢

憶昔十五成童初豪氣直欲凌千夫讀書但喜老莊易把
筆輒擬韓歐蘇拍肩唐宋世何有紛紛一笑時人愚是時
舅氏山木子祖述經訓爲菑畬語直或適俗儒詆論高潮

覺全心孤家雞野鷲不能辨我亦聽瑩心疑紆夜中一燕
朝感喟如醉初醒病始甦伯兄含笑招我前曰予有言汝
聽諸人心不同如其面下士笑道爭盧胡人生始學誤所
法他日欲悔徒嗟吁我祖以來重敦素巧文趨世吾家無
汝舅樸學法汝祖其說頗正言非迂縱使氣象益恢廓詎
可出入分主奴鈎黨覺起南北部甘陵禍結四海痛東林
覆轍尤可痛善士招摯無完膚汝能他日宰天下持此足
戒如前車覺來涕淚沾衽席搏頰呼負顏不舒十年一夢
舅忽死追思往事空欷歔

甲寅之冬月旣望陳子讀書夜正中寒燈垂燼爐火暗戶

外急雪飄嚴風解衣就寢忽有覩恍惚張華初入鄉嬛宮
隨園說詩夢樓笑旁有頤而長者陽湖翁三老雅集殊得
得賤子侍坐彌劬劬一庭深綠幽草積牆角似掛斜陽紅
不知所遊竟何處耳邊疑打清涼鐘前年蠟屐遊江東此
三老中謁兩公袁子我師朝夕見隨園坐看倉山松歸裝
乍整未及發夢樓來倚鍾山筇十日再留文字飲萬事不
掛雲夢胸政喜結交得老輩漫欲歸去誇兒童獨恨未拜
雲松子忽教一夢相彌縫不識其貌想其容陽湖之水波
溶溶閒鷗戲拍江天空以此想像子趙子夢中所見將毋
同他年定鼓毘陵棹一申末契追前蹤握筆忽愁詩未工

公其笑我如冬烘

平生壯遊數白下夙昔夢之心懷駕弟子重爲負笈行先
生剛擁臯比坐登堂未揖心已傾舊事再讀眼倍明庭際
草木似相識坐中賓客皆知名清言不侈談天口大雅政
有扶輪手鄙夫或效蕤叩鐘智珠彌覺光照斗坐久識者
皆歎嗟得未曾有誰能加宿疑乍剖日破霧妙蘊忽啟天
雨花先生之意未云已招予更與論經史道傳衣鉢竟無
人一編相屬君勉矣用光再拜辭喃喃誼重力薄愁不堪
荒鷄乍啼夢忽醒舊遊追省心彌慚昨者初逢列禦寇千
里羸糧不遑後鄭元未得馬融喜阿難忽被摩登咒十里

秦淮水上樓家家月色漾簾鉤玉笛歌殘金縷曲蘭橈忙
殺水嬉舟王孫競走狹斜路淵明也作閒情賦爭訝流鶯
處處飛誰知白日堂堂去邴原空讀孫宓書陳平未絕長
者車我愁遠志成小草人笑抵雀傷明珠歸來百事不復
理日持萬卷對妻子孟明期策再舉勲曹沫欲復三北耻
駑駘十駕追驊騮成功或借桑榆收邱遲殘錦果容乞列
子執爨吾將求

孟亭先生與先大父凝齋府君同舉乾隆戊辰進士
已酉冬從子希曾拜謁先生于里第時希曾初舉
于鄉也用光晚與先生仲孫績熙訂交而希曾於

去年冬與從兄觀先後謝世矣循念兩家門第恨
用光未得謁見先生績熙以奉硯圖屬題敬賦轉
韻一首硯於先生在時失而復得圖以失去爲績
熙所復得皆詳先生跋及績熙自記中時嘉慶丁
丑秋八月二十七日

端溪硯材作世守甲第人人誇所有重是傳家忠孝心趙
璧齊田得非偶營田三載居霸州汜勝書應細講求繡塋
行地夢迴處倘亦如對小環洲

見硯圖

兩家舊德皆堪述撫

今悲昔神蕭瑟我未登堂但展圖惆悵才非大手筆

陸宣公從祀成均得

請爲吳梅梁

傑

給諫作

仁義百篇唐孟子私淑宮牆學似此政事才原列四科惜
公未逮洙泗耳方書集當謫蜀時點也氣象倘庶幾發揮
王道明天德奏疏何啻講學爲講學何人工撫拾近乃宗
派無所執臺諫難酬補衮心崇儒競喜連章入從祀得
請誰最賢吳公一疏人爭傳議成隋土王通次心發忠州
視學年

雙忠祠

斬黃血已錢塘流

宋諺云惟有斬黃兩州血至今流不到錢塘

襄陽殘局不可

收門戶已爲伯顏奪腹背坐致江淮憂勤王孰先諸道急
力戰不許降幡投守城誓死感幕客劫帝乘夜凌瓜州析

骸食子軍不叛焚詔斬使心何求霍弋羅憲非烈士張巡
許遠真英儔樞密生前鑄一錯夏貴竟召淮西羞要期重
力乃濟事豈意斷臂成潰疣姜公臨命一笑唾李公隱恨
羞爲酬史筆何人拙文字述言紀事相盾矛豈有忍痛竟
待勸遣兵護第如遮留感恩尙持孟帥服反顏肯事阿朮
讐兩公精誠同一體後人公論垂千秋梅花古香發邗溝
忠魂先後來同遊勝朝亦有文丞相閣部衣冠葬上頭

追輓建威將軍壯烈伯李忠毅公詩

戚南唐才我朝有岑彭來歙身可悲岑來握兵遇刺客
公乃致命攻賊時賊盛公能使賊衰賊衰天顧使公危海

水怒立礮外飛粵洋不見來援師復仇部將遇亦奇雙燈
中見公鬚眉公之報 國心不死不然尾追賊艦何以來
靈旗大府生平兩知己阮公元清公安泰譚二華禦夷已
著南塘績辨賊忽來蜚語加遙知公者富陽相造郝能排
篋書謗得清安泰疏中言始見効公固無狀 賜碑

賜謚

國恩深酬汝傾家報

國心子母連環誰倣

造丹鳳空栖碧海濤

公傾家造軍船軍
械丹鳳公船名

贈張鐵槍

名永祥河南陳州府淮寧人

脫身軍旅間掉頭營伍外愛才幸遇阮中丞事過無由舉
君最教槍遊浙中練卒居淮南知己晚得屠大令衙齋日

日論韜鈴、國家盛德遍函夏、樊並蘇令何足詫、滑臺白
賊唾掌擒彭城列戍登時罷、張侯其時居真州散遣新卒
歸林邱、四百餘人飲饕餮、盧氏縣南歌同仇、廿年舊夢猶
迴不先君昔綰陳州綬、亦募健兒作防守、其時君已辭家
久先君每舉盧氏功、不知乃出此人手、京師邂逅意氣同
喜君恂恂儒者風、功名何必登麟閣、踪跡大抵如雪鴻、我
欲從君拓金戟、媿不能彎一石弓、

鄧簣山入名宦詩

文翁召父奉祠祀、元始四年應詔書、西京循吏最近古、激
勸有術焉、可証我朝治化軼兩漢、祠官歲歲題名宦、浮梁

鄧公實鮮儔去思卅年留隴棧戴盆有民得見天公善發
伏兼撓奸奪米有民不揭竿公善勸糴兼化頑堰水隄
長禾黍夏絃春誦習樽俎過境軍辭閭里譁獻醪民忘輸
將苦凡公所至年無災不獨步禱迴風雷從知撫字誠求
意都自詩書醞釀來秦雲蜀嶺題襟徧宦游處處桐鄉戀
神絃曲若奏成都分燕關中香一瓣

蕭俞孝節詩

滄州一婦人不食三十年日飲數杯水充饑當鬻鯉自言
幼養母母病夜禱天果捄歎歲貧辟穀資寒泉常州一村
婦晨炊往田所姑爲畢其炊目盲無所覩捫飯置穢器婦

歸誰溉釜潔奉姑與夫穢者以自取天晴晝忽昏有人導
婦行前舍得小布囊米三四升不獨一餐飽日日囊可傾
二事出宋稗天固感至誠吁嗟蕭孝子刲肝救母身竟死
吁嗟俞節婦詭語慰姑夫出耳天佑不佑數所當救母不
顧肢體傷婦肩子事孝子慰貧人如此擔綱常我昨扁舟
去遊楚楚人有孫能救祖名紀高澄彭大興一請代死一
割股善善從長邑乘稽養生送死至性所維持積粟七年
者爲誰世無劉殷鬼餒而

作蕭俞孝節詩未得實事因閱宋稗有所感遂拉雜
成篇後晤秦敦夫前輩爲詳述孝子事復賦一首

孝子救親須剖肝術苟知矣心求安親愈奚恤身摧殘剖
股但傷外形耳五藏難教一藏毀忍痛者誰竟辨此剖肝
投碗碗忽空神試孝子迷離中屋角神衣吹鬼風手血淋
漓再開暴兩片肝投一爐火何物狸奴能困我蹒跚歸寢
妻始驚困臥廿日目遂瞑神知孝子死勝生入奉甘旨出
衰經養姑卅載妻守節婦心子心兩無別嗚呼親病委庸
醫泣言親疾不可爲彼何人斯盍誦碑

旌表節烈蘭孫氏詩

蘭孫氏居婁村其節似漢陰女苟夫亡子幼姑復貧咄哉
季父庸非親乃欲強之使適人同穴心孤酬一死從容引

決無難耳辭墓歸來作飯時忍痛食姑兼食子嗚呼人生
至性關天倫季父與父恩則均胡爲奪志行不仁忍使嫠
也戕其身涿水孫氏一白屋不若潁川八龍稱望族慈明
况復譽無雙詎不願女爲共姜傳婢奪乃態何鄙傳訛吾
欲疑范史孫子原一獯薄兒縣吏龔之乃如此當時訟之
不爲理後七十年綽楔起筠潭都轉洵能賢請旌旣得徵
詩篇我更爲語作令者不獨過門當下馬能褒節義斯風
雅

放歌行示湯體芳明經

汴梁城中無一有拉君日日街頭走夾轂飛塵車似風策

馬從者顏若桃花紅路旁趨避與君笑是何意氣矜年少
若非隸籍期門軍官高策賞殺賊勲卽亦通侯貴子弟贊
卽出補諸侯吏男兒生世須彎五石弓不則低眉折腰事
子公胡爲呻吟北窗底出道人怒入道鄙不見賤子與君
俱少年酸寒坐守儒生蘊君謀菽盤腹未飽我坐元亭貌
亦槁侯嬴朱亥墓已荒難覓屠狗與賣漿徒爾朝謁遊梁
祠暮尋相國寺冷淚空彈沒字碑狂歌且逐綠檀戲君言
公且休君爲起舞我爲謳世間萬事浮漚耳喻馬非馬指
非指但當洗耳清冷淵仰首蒼浪天榮啟期樂我輩俱能
全何妨挾書日日從高眠我憚君言心亦動更剪燭花開

雪鬢舉白浮君我亦共起視庭前月色如流汞各掩霜扉
去入夢

贈汪劍潭助教

端先

朝吟梁甫暮白石秋雨春風幾兩屐詎有王孫七寶刀陌
頭爭認青袍色十年躑躅江關路此日帝京初作賦鳶肩
火色彼何人作此寂寂事章句案上古人呼不起席地幕
天一縷米車聲門外賜共迴俠氣柔情都已死忽然大笑
顛如雷空虛之室雲日開如先生才凌鄒枚掃迹不上黃
金臺青冥縱翮何爲哉一尺之書一枝筆此中自有鄒陽
律青寧程馬從萬年且可高歌消永日

贈張船山太史

同陶

古人今人才一耳恒幹代謝神不死房太尉卽永禪師蔡
中郎是張平子東風年年吹開花春色歲歲來無涯銅梁
奇氣落公手遂令泚筆流雲霞儋州老翁常州任公友孫
洪生長處分得眉山八斗才鼎立三家俱跋扈洪都成都
同一江岷山廬山雄兩邦拾遺不作山谷死藏園健筆公
能扛異時曾作隨園客清容淵如我俱識題襟焚硯平生
心繡像鑄像情尤極昨者車過趙州橋石麓如輪扶衝颺
眼前有句不敢作公詩壁上森瓊瑤西江宗派誰人續我
意居仁殊碌碌求友四海幾幾班荆覓句十年徒仰屋忽憶

去秋梁苑行傳來好句人皆驚

謂見君所
古數詩

我見決知是公

作世無袁蔣誰縱橫十載聞名不識面紗籠露盤抄吟遍
一日長安挾刺投無異洪君眼中見結交願結清松枝著
錄願錄黃絹辭后山一下文潛拜主客雲龍千載期

贈胡書農宮贊兼呈同館諸君乞和

書農宮贊老幼學圖身萬卷勤爬羅對人沖抑有退讓論
事實直無嬖倖比來史局數抗手彌覺書味三餘多君言
使筆如琢玉我言陳義如獻禾瑟若奩若采固爾宜稻宜
麥理則那但使榛芳就芟削不嫌角根成縷覩古來成迹
別利病榮如指上觀旋螺坐言起行得考鏡庶幾旨蓄儲

條科小言詹詹敢自憙君與諸子乃見阿觚稜日影絢光
彩舉杯相屬同婆娑祇媿承宮侶田鳳霜痕點鬢如余何

贈會霽峯大令 暉春

九僊山上九苞鳳曹遲向天門珣戴仁抱義翔虛無却
駕慈雲到章貢章貢屬縣名會昌俗媮民悍迂農桑佩牛
欲施渤海教捧檄初登宓子堂行未到縣先入鄉鄉民驚
傲貪如羊標竿作劇開會場博進招集千人狂垂綬五寸
民無懲煦嫗好語應且憎使君再來剽奪興伍伯臥血與
折肱使君叱咤真健者裹創小憩茅店下立呼營卒縛之
來乳虎入檻猱拉骼從此民畏民稱仁共知國僑斯惠人

能遣封狼化麕鼠不教束縕驚燎原循績褒嘉終報最軼
事誼深因坐對春明門內同歲生作歌聊記部民媿

詣鍾山書院投洪稚存前輩

十年誦公所著書詞章攷据才而儒十年慕公所立行砥
節植躬根至性山川萬里遍行踪昨來乍聽清涼鐘蓬山
名刺得脩謁何幸蓉湖未買楫皖江舟爲本師開下帷舊
地今重來本師不見見公在天補此行一大悔大孤小孤
吾鄉山氣雖不大體則堅西江士習亦如此擴以聞見斯
可矣我生懼蹈溝猶譏行脚所到尋師資日問月學山谷
語此意知公定相許納納乾坤入遠眸浩歌氣欲凌高秋

太白樓前一江水襍被爲公具行李六朝人去幾千年白
門風景仍寒烟講堂闕處借三宿公有奇書縱我讀

雨中次蘭雪題雙藤老屋詩韻東屠孟昭

均堂吹沫非檻泉高藤濕翠交枝纏出門苦潦入苦滯長
安伏雨愁年年連日殘暑尙蒸鬱破雲喜見滄浪天蘭雪
說詩昨過我詩骨瘦硬天所憐念君與我何間濶藤陰人
影相周旋我植雙藤才五載屋老藤新陰未圓花時已過
苦無葉咒花何術求神仙竹垞前遊久難繼風林幾日間
噫蟬後此垂蔭尙過屋看花肯羨春風顛朝來殘雨葉又
墮積水墻陰浮芥船知君抱邾對嘉樹掩戶但覓詩書禪

南街北街難跋馬白楊青楊思招延蘭雪豪宕能冒雨澄
觀水榭詩爭傳君詩語妙惜未讀美人入夢徒娟娟衝泥
未能但仰星藤梢對我搖蒼烟買屋我有補藤作僦居君
亦藤有綠索詩及君未注選要看秋筆凌春鮮作畫倘寫
種樹意破怪當以吾詩先天晴待踐蘭雪約訪君並訪街
西錢

幾衍石與
君比隣

十三日廐市購書戲作索蓉裳和

異人苦難見異書苦難讀能見能讀不遠求耳目之前求
已足異人在山不在山異書在世出世間邴原自可辭北
海張華詎足窺邴媛求人求書貴求我棄書與人計復左

能將懸解得人間枕書許秘糧許暴平生夙抱購書癖
架未觀復求益龍斷徒嗤買菜傭燕說愁爲舉燭客誰知
結習難自除路逢良友仍招呼踏青已過近燈市每到書
肆行踟躕眼前一集縮手快聞是貴人手不疥失笑竒書
世已無異人何處同君拜

齋中讀書懷秦曉峯觀察

維嶽

散帙終日靜揮汗煩暑蒸涼風轉空曲清氣時一生江頭
何人多遠情停雲一角齋中明美人娟娟隔江水宴寢清
香晷晷裏揮塵雄譚有顧子與課佳兒誦經史顧子吾未
見其詩新且多副本鋟以麻沙木去年曾與汪子全高歌

於均之昆季
處見顯君集
李杜韓蘇誰復在
此筆銀河發光彩
風吹秋懷入空去
但覺流年不可待
暑氣不到鈴閣中
主人退食多從容
陳寔偶然就徐庶
素衣何當客願雍
黃雀樓晴川閣花
雨空中飄鴻爪天
邊落想得山房聽
雨讀書時舊齋
翛然何處託雷門
布鼓慚竟持先輩
許我論新詩

贈葉筠潭同年

筠潭論詩得正宗
筠潭作詩有古意
黃鐘大呂韻鏗訇
霞珮雲裾光絢麗
建溪持節初歸來
新詩脫手皆瓊瑰
蓉裳蘭雪俱遠去
題襟懷抱爲君開

次韻畚桑筠潭同年

鳳簫欲奏伶倫竹盤螭舞棟雲垂屋五明扇影高復高
綴階光滑文玉按宮調徵諧歸昌麥風蘭風交蕙光影纓
纒筆生眼纈烏跂西轡龍賓忙問夜何曾有封事蝶夢不
酣春破睡嚴家餓隸亦卓錫野鷺家雞紛覓字芳草未歇
行相隨石林蘂白真色絲黃鐘調高木鐸應星街蟾影東
升時

葉筠潭廉訪以詩寄懷述及法源崇效之遊次韻答
之

雨花香界城南路君向粵雲憶燕樹獨秀峯前夢故交題
襟恨不春明住交讌春明歲有常海棠幾處嬌春陽雲衣

卸碧嵌林鱗酣紅搖日光茫茫聯吟君是岑苔侶十年已
作黃鵠舉賑饑折獄平生心正自無慚對禪祖棗花寺前
雖未逢願力早證盤山松盤山林上人青松紅杏者今在棗花寺卽今桂管
詩頻寄何異津門信屢通津門桂管違金闕懷人佳句動
心骨職在宣仁學素優路因訪友夢能越折柳班荆感舊
多宦局分襟可若何鹿苑尋春話梁月堯山望遠賦離波
交期重在親知外相勗咸應話其大離緒能思舉燭書清
遊勝詠圖金帶暑夕星河入望溱湘茝還思采遠潯因緣
如作羅浮合是處堪題祇樹林

寄懷鮑覺生前輩

愛已乃愛人惟公見之確避面遠小嫌故交非淡漠風義
從來師友間何時捉塵更追攀昨宵夢醒蒹葭闊他日雲
停白紵山

東覺生前輩用其昶字韻

君不見黃山奇秀擅東南羣峰不敢誇同列雲靜時呈鋪
海姿松孤自具凌霜節平生惜我未攀躋歛產有公我能
說從宦公堅學道心任情公異才人轍起家再致瀛洲登
擢官屢
詔明光謁感激
殊知意肯慵較量古義
心如結忠悃
由來勵此生辭章何但驚三絕劍寒自惜寸
心孤琴古遶
來羣耳悅昨遊太華氣愈奇雪磴嵐梯眼飽

聞山靈抗手笑相迎謂昌黎生心亦折如此才華豈桃李
如此胸襟定冰雪惟我知公分最深辱公厚我情尤熱遷
階爲喜班生行話舊同悲伏生耄謂情抱先生蘿松雖悵昔絲
慳岑苔豈詔剪綵纈人言何足關重輕公望羣知有施設
杜老論詩晚更精魏公愛國老逾切君不見天都峯頭愛
晚晴羲馭從容輝尙映

雪後行江南途中有懷介航河帥

餘雪慘地如碎玉間以青疇分罅局映日能教暮靄收淡
月清輝與相續故人念我山行遲定亦對雪吟清輝何當
三日後相見與語鍾離雪境奇

太乙舟詩集卷三

三

贈石月亭

時集前輩

水輪影入寒屏近門掩虛堂車按輶倚杵落子悄無聲銅
照熒熒燼一寸猙獰駕空攬轡下九衢穰穰盛車馬遙夜
冬心獨抱時法曹冷宦如君寡平生舍者與爭席六鑿不
攘室生白溫伯雪子我所師敢詡寒山友拾得勝負從來
皆可喜十訣鴻書行料理他時臨局有龍牙笑君莫炫琅
玕紙

贈馮鍊漁營田

續熙

霸州營田專設貲始自

憲皇雍正年築堤一十有

二里里內趨澤勤治田雨暘應時納秬秠得免徭役民安

眠但熱淫潦一肆虐平陸彌望俄成川彼時臥穗隴畝間
官代納粟輸金錢三年報最得復職榮功宥過兼所權富
民侯特封丞相搜粟都尉名爛然古人重農豈左計趙過
名豈西京專五十八頃清河邊稼下地法今無傳新聞舊
洞等溝洫能修舊制馮公賢三世交誼晚相見快展佳詠
哦新篇民有蓄積穀價賤我讀漢志心悁悁

酬李松溪見贈詩意

李生西自陽城來風塵蹶躓雙芒屨索觀晉書百卅卷旅
舍臥誦如高齋邇來名士懶及古羨君讀書功更苦我幸
坐擁萬卷書卷未能終色爲沮雨吳君皆知君賢

蘭雪與
玉松侍

御一作薦文一贈錢賣文傭書向何處千里負米心可憐

玉松侍御言尤直勸讀班書計更得松溪云玉松謂不如讀漢書與作

南朝放誕兒何如能對天人策相州五馬行倭遲玉松去

矣松溪悲市僧侮士良可唾時松溪爲市人所逐就居近我還贈

詩我與蘭雪謀君事歸裝草草春糧計他年射策登天間

知已毋忘鍊如意鍊如意玉松齋名

喜聞李潤堂勲伯治吉安饑民事賦詩贈別

吉安昨苦旱赤地全無收誰與八分報歲稔饑鴻無人與
噢咻有猾者胥兩黠虎催租入鄉鄉民苦縣令倚胥胥激
民民患閉糴官召侮堂皇一閱民何知縣令張皇乃請師

勲伯奉檄三日馳兩走卒一奚奴隨曰此安用遣師爲入
境萬竿耒耨持勲伯顧之笑曰嘻我來生汝汝無疑入城
示以平糶期械兩胥示官無私民迺搏頰自責爭涕洟市
廛復開村農歸縛十六人翌日出讞定笞杖戍其一若教
鐵騎用三千安見川原不流血部民間之喜不勝勲伯適
復來班荆萬家生佛名家子急爲紀事書溪簾

贈劉仲矩明府

祖憲

卽送其試令黔中

書生幽抱切康濟經術舊業難發揮不患苦窳卽更駕誰
約繩墨就勒戰君家公是世莫觀吾鄉子固今亦希夙昔
謬習古人法名流頗歛窮屈扉漢儒遺說盛著錄閩學絕

詣誰探微昨者少穆說仲矩慕漢中壘唐知幾上溯六經
求意旨下綜百家分是非惜君懷綬行作宰魏我挾冊未
絕韋處劑心傾長桑術問字神訝杜德機試曰醫學測經
學知爲尺璧非寸璣扶羸扶痼妙進退急攻緩治相因依
從來儒術出循吏佇聽輿誦來 皇畿臨別不敢贈才語
紀急滿望書常旂

新春過吳雲海 大翼 寓齋聞其臥疾作詩訊之

洪公

桐生太守

教作黃山記示我一幅黃山圖屬稿未就筆屢

擱蠟屐幽夢迴天都雲海先生好儒雅鄉雲萬頃煩人寫

消受京華讀書綠東去同君思之假

昨於王子卿同年處見所索題畫千幅

宦遊十載未能歸知君夢亦著林霏新春懷抱應何似小
極知猶喜賦詩

乙未花朝後二日芝楣方伯魯山廉訪招同少穆中

丞又山嚮長於春祭東坡後觴余於嘯軒是日觀

顧君湘舟携來明人書畫冊翌日黃君穀原均書

蘇公祠雅集圖見贈余去蘇州阻風於無錫舟次

作紀事長句轉韻一首寄諸君子政和

東坡手書歸來辭文襄撫吳求得之刻石與寘定慧寺星
月夜貫虹光垂二百餘年雙塔側荒祠誰問空王宅李侯
蘇齋老弟子墨寶逢君乃復得釀金特建蘇公祠祠中樹

石生幽姿滄浪亭古傲不得獅子林巧無等差方伯諸君
皆好我書畫樽前棹竹左春祭開筵等餽餘招邀過客非
驚坐祠中並祀况鐘與周忱吾鄉賢者名尙留中丞連年
辦災賑憂民之憂同周侯前賢刻詩後舉祭詩酒何曾妨
政事東坡當日治杭州好古勤民如一例畫冊殷勤屬穀
原李侯惜未同金樽明朝邦上得相見更與重吟石墨軒
蘇齋軒名

約遊螺墩不果以詩謝周載軒太史及蔣藕船兼呈

陳靜涵季馴兩公子

昨朝擁書向日望忽報故人來叩門寒窓促膝一相對軟

語暖我胸膈溫繫駒且欲永今夕招客更與開芳樽野歡
充盤得霜味溪魚入饌無水痕草草一飽聊可得紛紛共
醉誰當喚座中有約吾必踐勝地曾過心彌存憶昔打槳
逐吟侶薄袂乍映秋風寒輕橈蕩碧暮烟散斜陽墮水林
花昏時方結構盛塗墜近聞金碧逾崇繁正喜續游得佳
賞豈意雅集孤成言商邱公子劇好士詞翰落筆傾豪賢
推襟一見意相許深談詎信緣終慳作詩一笑記吾過重
惜良晤當乖分明朝策馬洛中去客夢定自留螺墩

陸古山州牧去歲屬譚子受携清獻年譜松陽鈔存
見贈頃來京以扇索畫爲轉乞得山水荷花而系

以詩

清獻遺言孰蒐輯心太平室重開雕文翕治蜀倚教化如
此視民斯不忒岷峨春色携襟帶歸及紅衣照香界安得
尋詩到草堂剪燭與君重讀書

贈高麗四進士

昨日春風吹客到晴暉艷艷瓶花笑重譯來爲舜陞
朝長身人認箕封貌我朝盛德四海覃儒林掌故詞臣
諳綠趨瓊殿欣簪盞待續方言借筆談九衢車馬人如織
寓舍愔愔留此客千山不與隔題襟四水居然能講德出
門一步卽天涯投契寧論道路賒同我心情有小阮似汝

頭銜稱大加眼前陳迹栩栩古草草杯样傾肺腑來日應
過馬首山離情已遶桃花浦廐市中門小駐留題詩贈別
心寧酬遠夢倘能尋帝里題箋莫忘寄神州